

BOSNA I HERCEGOVINA
FEDERACIJA BOSNE I HERCEGOVINE
PRIVEDNO DRUŠTVO ZA PROIZVODNJU I
TRANSPORT GASA „BH-GAS“ D.O.O.
SARAJEVO

BOSNIA AND HERZEGOVINA
FEDERATION OF BOSNIA AND HERZEGOVINA
GAS PRODUCING AND TRANSPORTING
COMPANY „BH-GAS“ D.O.O. SARAJEVO

V O D I Č
ZA PRISTUP INFORMACIJAMA U
„BH-GAS“ D.O.O. SARAJEVO

Sarajevo, septembar 2014. godine

Na osnovu člana 20. tačka 1. Zakona o slobodi pristupa informacijama u Federaciji Bosne i Hercegovine („Službene novine Federacije Bosne i Hercegovine“, broj: 32/01 i 48/11) i člana 51. Statuta Privrednog društva za proizvodnju i transport gasa „BH-Gas“ d.o.o. Sarajevo, a u skladu sa prethodnom saglasnošću koju je Nadzorni odbor svojom Odlukom broj NO-0202-3197 od 09.09.2014. godine dao na Vodič za pristup informacijama, Uprava Društva donosi

VODIČ

za pristup informacijama Privrednog društva za proizvodnju i transport gasa „BH-Gas“ d.o.o. Sarajevo

1. Uvodne napomene

Vodič je urađen kako bi pomogao podnosiocima zahtjeva u ostvarivanju prava pristupa informacijama u skladu s odredbama Zakona o slobodi pristupa informacijama u Federaciji Bosne i Hercegovine („Službene novine Federacije Bosne i Hercegovine“ broj: 32/01 i 48/11) (u daljem tekstu: Zakon). Vodič pruža informacije o najjednostavnijem načinu pristupa informacijama koje su u posjedu ili pod kontrolom Privrednog društva za proizvodnju i transport gasa „BH-Gas“ d.o.o. Sarajevo (u daljem tekstu: Društvo).

Pored pristupa informacijama slanjem pisanog upita, fizička i pravna lica se o Društvo, mogu informisati neposredno, kontaktiranjem službenika za informiranje, te na web stranici: www.bh-gas.ba

Vodič sa „Indeks registrom informacija“ koje su pod kontrolom Društva je besplatan i dostupan na web stranici (www.bh-gas.ba), a može se preuzeti i u prostorijama Društva kod Službenika za informiranje.

Ovlašteni Službenik za informiranje u smislu Zakona za Društvo je Glasnogovornik, sa sjedištem u poslovnoj zgradi Društva, na adresi Hamdije Čemerlića broj 2, Sarajevo, kontakt telefon: +387 (0) 33 724 220 fax: +387 (0) 33 661 621.

2. Pravo na pristup informacijama

U skladu sa Zakonom svako fizičko i pravno lice ima pravo pristupa informacijama koje su u posjedu Društva, osim izuzetaka, kada određene informacije mogu biti izuzete od objavljivanja u skladu sa navedenim Zakonom.

2.1. Utvrđivanje izuzetaka

Izuzeci se, u skladu sa Zakonom, mogu utvrditi u slijedećim slučajevima:

1. Izuzetak u vezi sa djelokrugom rada Društva (interesi odbrane i sigurnosti, kao i zaštita javne sigurnosti; sprječavanje kriminala i otkrivanje kriminala; zaštita postupka donošenja odluka u Društvu, uključujući davanje mišljenja, savjeta ili preporuka, bilo da se radi o licu zaposlenom u Društvu ili drugom licu koje radi za ili u ime Društva, s tim da to ne obuhvata činjenične, statističke, naučne ili tehničke informacije) i to samo u slučaju kada Društvo utvrdi da se saopštavanjem informacije osnovano može očekivati izazivanje značajne štete za legitimne ciljeve Federacije (član 6. Zakona);
2. Izuzetak u vezi sa povjerljivim komercijalnim informacijama. U tom slučaju, Društvo je dužno bez odlaganja obavijestiti treću stranu o pojedinostima zahtjeva i upozoriti je da će tražena informacija biti saopštena, ukoliko u roku od 15 dana ne obavijesti Društvo da je informacija povjerljiva i navede razloge zbog kojih bi njenim saopštavanjem mogla nastupiti šteta. (član 7. Zakona);
3. Izuzetak kod zaštite privatnosti. Društvo će odbiti saopštavanje informacije, ako osnovano utvrdi da informacija uključuje lične interese koji se odnose na privatnost treće osobe. (član 8. Zakona).

Društvo će, rješavajući svaki pojedini zahtjev, obavezno provesti ispitivanje javnog interesa u skladu sa članom 9. Zakona i uzeti u obzir svaku korist i štetu, koje mogu proisteći iz saopštavanja informacije.

3. Postupak pristupa informacijama

3.1. Podnošenje zahtjeva

Zahtjev za pristup informacijama se podnosi u pisanoj formi na jednom od službenih jezika u upotrebi u Federaciji Bosne i Hercegovine.

Zahtjev za pristup informacijama mora sadržavati:

- Ime i prezime, kao i adresu podnosioca zahtjeva. Ako je moguće, treba unijeti i kontakt telefon, na koji se podnosilac zahtjeva može kontaktirati u toku radnog vremena,
- Naziv organa kojemu se upućuje zahtjev, kao i naznaku da se upućuje službeniku za informiranje,
- Dovoljno podataka o prirodi i sadržaju tražene informacije.

Ukoliko se zahtijeva lična informacija, zahtjev može podnijeti isključivo osoba na koju se informacija odnosi, njen zakonski zastupnik ili opunomoćenik. Osoba koja podnosi zahtjev i

na koju se zahtijevana informacija odnosi dužna je Službeniku za informiranje predočiti ličnu kartu ili drugu ličnu ispravu sa fotografijom.

Ukoliko zahtjev podnosi zakonski zastupnik ili opunomoćenik uz zahtjev je potrebno priložiti i dokaz o zakonskom zastupanju, odnosno punomoć, te svojeručno potpisati zahtjev i predočiti ličnu kartu ili drugu ličnu ispravu sa fotografijom, kao i kopiju lične karte podnosioca zahtjeva.

3.2. Nemogućnost postupanja u skladu sa zahtjevom

Ako Društvo nije u mogućnosti da udovolji zahtjevu, radi nepostojanja formalnih uslova propisanih u članu 11. stav 2. i 3. Zakona, u takvom slučaju, najkasnije u roku od 8 dana od dana prijema zahtjeva, rješenjem obavijestiti podnosioca zahtjeva, da isti ne može biti obrađen iz formalnih razloga.

Protiv rješenja, iz prethodnog stava, može se izjaviti prigovor organu nadležnom za njeno razmatranje.

Ukoliko podnosilac zahtjeva podnese novi (preinačeni) zahtjev, isti će se smatrati novim zahtjevom.

Ukoliko Društvo primi zahtjev za pristup informaciji koja nije u njegovoj nadležnosti, dužno je zahtjev proslijediti nadležnom javnom organu najkasnije 8 dana od dana prijema zahtjeva, o čemu mora pismeno obavijestiti podnosioca zahtjeva.

3.3. Postupanje nakon prijema zahtjeva

Nakon što je zahtjev razmotren u Društvu i odobren pristup informaciji, u cjelosti ili djelimično, bit će doneseno rješenje i isto dostavljeno podnosiocu zahtjeva.

Navedeno rješenje sadrži:

- obavijest o mogućnosti ličnog pristupa informaciji u prostorijama Društva, ili
- obavijest o mogućnosti umnožavanja informacije i o troškovima umnožavanja informacije, s tim da se informacija omogućava nakon izvršene uplate, ili
- prilog kopije tražene informacije, kada se ista ustupa besplatno.

Ako Društvo odbije pristup informaciji u cjelosti ili djelimično, donijet će rješenje kojim će obavijestiti podnositelja zahtjeva.

Navedeno rješenje sadrži:

- zakonski osnov za status izuzeća informacije u skladu sa Zakonom, uključujući sva materijalna pitanja važna za donošenje rješenja uzimajući u obzir faktor javnog interesa i
- pouka o pravu na prigovor, naznaku i adresu organa kojem se prigovor podnosi, rok i troškove za podnošenje prigovora.

Rješenje se dostavlja u roku od 15 dana od dana prijema zahtjeva.

U slučaju odbijanja pristupa informaciji u cjelosti ili djelimično podnosilac zahtjeva može podnijeti prigovor Upravi Društva, u roku od 8 dana od dana prijema rješenja kojim se odbija pristup informaciji.

3.4. Troškovi umnožavanja

Podnosiocu zahtjeva se informacija stavlja na raspolaganje besplatno u obimu do 10 strana. Za svaku narednu stranicu neophodno je platiti naknadu od 0,50 KM po jednoj stranici. Ukoliko je riječ o informaciji koja je dostupna u elektronskom obliku, službenik za informiranje će podnosioca zahtjeva obavijestiti o mogućnostima preuzimanja i iznosu naknade (5,00 KM po CD-u), te isti ustupiti podnosiocu zahtjeva nakon podnošenja dokaza o izvršenoj uplati.

4. Indeks registar i obrazac Zahtjeva za pristup informacijama su u prilogu ovog akta i čine sastavni dio Vodiča.
5. Ovaj Vodič stupa na snagu narednog dana od dana objavljivanja na oglasnoj ploči Društva.

Broj: 01-0406-5249
Sarajevo, 12-09-2014

UPRAVA BH-Gasa


Haris Hrnjić
IZVRŠNI DIREKTOR




Mirza Sendijarević
DIREKTOR

**PRIVREDNO DRUŠTVO ZA PROIZVODNJU I TRANSPORT GASA
„BH-GAS“ D.O.O. SARAJEVO**

**INDEKS REGISTAR INFORMACIJA
KOJE SU POD KONTROLOM PRIVREDNOG DRUŠTVA ZA PROIZVODNJU I
TRANSPORT GASA „BH-GAS“ D.O.O SARAJEVO**

UVODNE NAPOMENE

U indeksu registru navedene su informacije koje su pod kontrolom Privrednog društva za proizvodnju i transport gasa „BH-Gas“ d.o.o. Sarajevo (u daljem tekstu: Društvo) i u kojem su obliku su dostupne u skladu sa Zakonom o slobodi pristupa informacijama u Federaciji Bosne i Hercegovine i Vodičem za pristup informacijama.

VRSTE INFORMACIJA KOJE SU POD KONTROLOM DRUŠTVA:

- Planirana i ostvarena potrošnja prirodnog gasa;
- Podaci o kvalitetu prirodnog gasa;
- Tehnički podaci o gasovodu (dužina, kapacitet, promet i sl.);
- Planovi razvoja transportnih gasovoda u okviru Federacije BiH u cilju proširenja tržišta prirodnog gasa i interkonekcija sa susjednim zemljama unutar regionalnih projekata;
- Stepen realizacije započetih projekata izgradnje transportnih gasovoda;
- Izdavanje energetske saglasnosti;
- Finansijski rezultati poslovanja- bilans stanja, bilans uspjeha;
- Organizacija Društva (Podaci o djelokrugu rada organizaciono radnih cjelina Društva sa spiskom lica koji rukovode radom organizaciono radnih cjelina);
- Podaci o nazivu, sjedištu i adresi Društva, sa podacima koji se tiču matičnog broja pod kojim je Društvo registrovano u sudskom registru privrednih subjekata, Jedinственom identifikacionom broj (JIB), PDV broju, šifri djelatnosti, registarskom broju obveznika uplate doprinosa;
- Podaci koji se tiču pravne regulative kojom zakonodovac uređuje ovu energetsку oblast, odnosno sektor prirodnog gasa;
- Podaci koji se tiču normativnih akata kojima su uređeni odnosi u Društvu;
- Spisak/sastav lica koja obavljaju funkcije u organima upravljanja Društva (Nadzorni odbor, Uprava, Odbor za reviziju);
- Datum, mjesto, broj održanih sjednica sa brojem tačaka dnevnog reda koje su bile predmet raspravljanja na sjednicama organa upravljanja Društva (bez sadržaja konkretno donesenih odluka koji je povjerljiv);
- Kadrovska evidencija zaposlenih u Društvu koja podrazumjeva podatke o broju zaposlenih na nivou Društva i po organizaciono radnim cjelinama, sa kvalifikacionom,

obrazovnom, polnom, nacionalnom i starosnom strukturom zaposlenih, te ostvarenim radnim stažom zaposlenika;

- Podaci o broju zaključenih ugovora o radu (na neodređeno i određeno vrijeme) bez sadržine samih ugovora, a posebno bez podataka o pojedinačnim koeficijentima, obračunima i isplatama plaća i drugih ličnih primanja u Društvu koji nisu javni i smatraju se poslovnom tajnom shodno odredbama člana 107. Pravilnika o radu Društva;
- Podaci o broju ugovora o djelu bez sadržine samih ugovora i bez ostalih elemenata kao predhodno navedenih;

Vodič za pristup informacijama u „BH-Gas“ d.o.o. Sarajevo, kao i „Indeks registar informacija“ su besplatni i dostupni u prostorijama Društva, kod Glasnogovornika i na web stranici (www.bh-gas.ba).